

欽定大清會典事例

欽定大清會典事例卷四百六十三

禮部

喪禮

高宗純皇帝大喪儀三

嘉慶四年十一月十四日奏准本年正月內奏定服色除元旦

堂子行禮奉

旨改御禮服外其餘應行酌改之處敬謹擬改分單進呈。一。二十七月內恭遇祭

天壇

地壇

社稷壇。

皇帝親詣行禮。孟春孟夏孟秋時饗。

太廟。仍俱遣官行禮。孟冬時饗。歲暮。

大祫。

皇帝親詣行禮。齋戒日用常服。

閱視祝版。御龍褂。至。

駕詣。

天壇齋宮。是早。

閱視祝版。及省牲視牲。均御龍袍褂。冬御貂褂。乘禮轎。

不御輦。祭日御禮服作樂。還宮時。導迎鼓樂設。

而不作。二十七月內恭遇祭

天壇

地壇

太廟

社稷壇

皇帝親詣行禮。齋戒日期。各官俱常服朝珠。

閱視祝版。各穿補褂。至

駕詣

天壇齋宮。是早。

閱視祝版及省牲視牲。各官俱穿蟒袍補褂。祭日俱穿

朝服。一。恭查乾隆元年十一月。

高宗純皇帝即

御門聽政。此次擬請於嘉慶五年開印後。

皇帝御門聽政。至

御經筵

親耕典禮

高宗純皇帝俱於二十七月後舉行。此次擬請仍照原

定儀節於二十七月後舉行。

御經筵

親耕典禮。一。恭查乾隆元年元旦。

高宗純皇帝因係

御極之始。是以

御太和殿。二年元旦。尚在二十七月之內。仍未
御殿。

皇帝嘉慶元年以來。業經舉行朝正大禮。所有二十七
月內。應仍照原定儀節。元旦不

御殿受賀。一。查會典乾隆七年立

先農壇始行

親蠶之禮。今

皇帝親耕在二十七月後。

皇后親蠶。亦擬請於二十七月後舉行二十七月內。請旨遣妃恭代。二十七月內元旦隨

駕詣

堂子王大臣官員俱穿朝服行禮後俱穿蟒袍補褂挂朝珠。前三日後三日俱常服朝珠。忌辰日仍穿素服。於次日補穿常服挂朝珠。○十二月二十五日

諭。朕於明年正月初三日。恭詣

裕陵行期年禮。前經降旨派令睿親王溥穎代朕恭詣昭西陵

孝陵

孝東陵

景陵原因初八日上辛恭值

祈穀大祀初五日應還宮齋戒今已改用次辛十五日

始行齋戒朕於初三日致祭

裕陵後駐蹕隆福寺初四日親詣

昭西陵

孝陵

孝東陵

景陵恭謁禮畢再詣

裕陵叩辭。○五年正月初三日。

仁宗睿皇帝親詣

裕陵行周年禮。豫於

明樓前搭造平臺戲橋。張黃幄安

冠服。篚於供牀。設坩卓於臺上正中。設祭文案於階上之西。設幕於

隆恩殿東旁。列羊酒於幕內。陳燎牀於牌樓前空處。供案中添設

孝賢純皇后

孝儀純皇后湯飯匙箸二分。禮部堂官恭奉祭文。由

陵寢中門入。設於案退。

御前五大臣等於階下兩旁。王以下入八分公以上大學士內大臣侍衛等於

陵寢門外。未入八分公以下及滿漢官員於

隆恩門外配房前。按翼序立。均青長袍褂。冠去纓緯。仁宗睿皇帝乘輿至。

隆恩門外朝房南山牆降輿。禮部堂官前導。

仁宗睿皇帝詣更衣幄次。少俟。屆時。奏請。

仁宗睿皇帝出幄次。由

隆恩門左門入。

陵寢門左門詣

明樓前黃幄內就拜位立舉哀衆咸舉哀尚茶奉茶恭獻於案

仁宗睿皇帝行一拜禮衆隨行禮尚茶徹茶次尚膳奉湯飯進獻於案揭巾幕執事官進奠几讀祝官恭奉祭文於祝案左旁跪禮部堂官二人左右跪恭展祭文

仁宗睿皇帝於奠几前跪衆咸跪哀暫止讀祝官讀文畢復於案退傳哭如初奉爵大臣跪進爵

仁宗睿皇帝奠酒三爵每奠行一拜禮興衆隨叩興

仁宗睿皇帝復位立。乃徹饌。讀祝官奉祭文。禮部堂官

前引。內監奏請。

冠服篚。宮殿監侍二人前引。

仁宗睿皇帝豫出黃幄外。跪候。

冠服篚過。興隨行。出。

陵寢中門前引。內大臣十人恭導。所有齊集之王公大

臣百官等。按翼排跪。候過隨行。於楮堆兩旁稍

遠排立。俟。

冠服祭文恭安畢。

仁宗睿皇帝詣奠酒位。跪。衆皆跪。奉爵大臣奉爵。

仁宗睿皇帝奠酒三爵。每奠行一拜禮。衆皆隨行禮畢。
仁宗睿皇帝稍後立舉哀。衆咸舉哀。奉爵大臣灌畢。哀
止。

仁宗睿皇帝至更衣幄。次更衣。乘輿還行宮。衆各退。

初四日。

仁宗睿皇帝恭謁

昭西陵

孝陵

孝東陵

景陵禮畢仍詣

裕陵行禮。○三月十二日。

仁宗睿皇帝親詣

裕陵行清明禮前一日恭謁

昭西陵

孝陵

孝東陵

景陵

裕陵

陵寢工部官進楮錢寶花一座於

裕陵

隆恩殿敬謹供奉。取潔土盛筐以俟。屆日。

仁宗睿皇帝服縞素。執事隨從之王公大臣官員等均

素服。帽摘纓緯。○六月初四日

諭。上年九月

皇考高宗純皇帝升祔後。朕於孟冬時饗歲暮禘祭。恭

詣

太廟行禮而

奉先殿尚未經特祭。恭讀

皇考御製詩集。註內詳載。乾隆戊戌年。因

孝聖憲皇后升祔後。未經

親祭

奉先殿。特於是年孟秋之朔。

親詣致祭。而孟秋時饗。

太廟循例。

遣王恭代。朕思中元為祭祀之辰。朕本擬恭詣。

裕陵致祭。因查乾隆二年。

皇考曾經降旨。以秋令正值禾黍暢茂。恐致扈從人馬。

踐踏。是以未經前詣。

泰陵。朕自當敬守。

前謨。不敢過禮。至。

奉先殿致祭。則有

皇考成例。所當效法。遵行。今特於中元恭詣

奉先殿前殿。讀祝致祭。以申誠敬。所有應行典禮。著各該衙門敬謹豫備。俟

奉先殿祭畢。再詣

壽皇殿拈香行禮。其孟秋時饗

太廟。仍照例遣王恭代。○十五日

諭。此次孟秋時饗

太廟。係派王恭代。所有齋戒陪祀之王公大臣官員。於齋戒日期內。俱著穿石青褂。挂朝珠。不帶齋戒牌。初

一日祭期穿補褂挂朝珠。此後二十七月內。逢齋戒
祭祀之期。俱照此例行。其齋戒期內。遇朔望。皆穿補
褂挂朝珠。如祭日值朔望。禮畢後。仍穿補褂挂朝珠。
其非朔望日。祭畢後。穿石青褂挂朝珠。○十一月初

八日

諭。明年正月初四日。上辛

祈穀。初三日。朕詣

壇齋宿。是日正值

皇考二周年忌辰。禮統於所

尊。一切儀文。自應循照。每次宿

壇成例。惟鹵簿大駕。現值二十七月內。雖應照常陳列。亦當稍有區別。因恭閱乾隆辛丑年

皇考御製詩集內有

世廟今朝值忌辰。鑿儀五輅例應陳之句。蓋緣正月初八日上辛。

皇考詣

壇齋宿。正值

世祖忌辰。禮重

明禋。是以鑿儀五輅。仍照例陳設。至明歲正月初三日。為

皇考二周年。時日過近。又與

世廟忌辰常例不同。所有應用服色禮儀。對越維虔。朕自不敢稍有減損。而鹵簿大駕。則係為朕而設。若照舊陳列。朕心究有不安。著傳知鑾儀衛。明年正月初三日。朕詣

壇時。不必陳設鹵簿大駕。不御禮轎。乘坐八人轎。至初四日。

祈穀禮成回宮時。仍照例陳設鹵簿大駕。俟二十七日。以後或遇正月初四日祭

辛初三日詣

壇齋宿。所有應用鹵簿大駕恭照。

皇考正月初七日詣

壇成例行。○十一月十九日

諭。據禮部奏明年正月初三日。

高宗純皇帝二周年。在京王公大臣官員。應派三分之

一。前往

裕陵齊集等因。所有此次應派之宗室王貝勒貝子公等。俱著由宗人府查明繕寫紅頭牌。奏請派往。其文職各衙門堂官。將銜名開送吏部。武職各大員。將銜名開送兵部。均各繕寫綠頭牌。由吏兵二部奏請派

往不必照向例由各該衙門自行奏派其各員名下著將曾經恭赴

裕陵次數詳細註明並著宗人府吏部兵部彼此知會限於五日內同日具奏其各衙門司官仍由各該堂官照例派往○十二月二十五日

諭向來每遇大祀宿

壇日期隨從執事大臣官員皆穿蟒袍一日明歲上辛祈穀朕於正月初三日宿

壇是日恭值

皇考高宗純皇帝二周年忌辰例應素服但

郊壇大祀。典禮最重。朕於恭閱祝版時。仍照向例。御龍袍龍褂。隨侍官員俱穿蟒袍補褂。到

壇恭詣

皇乾殿拈香。並應行省視各典禮。俱御龍袍貂褂。其隨從及在

壇內執事之大小官員亦俱穿蟒袍。應穿貂褂者穿貂褂。應穿補褂者穿補褂。俟朕至齋宮後。大小官員俱不必穿蟒袍。仍穿貂褂補褂。挂朝珠。是日。

壇外並不陳設鹵簿大駕。所有

壇外執事官員俱不必穿蟒袍。止穿補褂挂朝珠。此外

無執事大小官員等。俱照例穿青褂。以昭誠敬。而符體制。○六年。正月初三日。行二周年禮。豫遣王恭詣裕陵。是日。承祭王及王公百官等。均青長袍褂。冠去纓。緯。陳楮錠五萬。楮錢五萬。色楮五萬。饌筵三十。一席。羊九。酒十五尊。禮部堂官恭奉祭文進。

隆恩門中門。由

隆恩殿東旁行。入

陵寢門中門。恭設於案。王以下入八分公以上。於

隆恩門外月臺上。大學士內大臣侍衛在月臺下。公侯伯以下文武各官在東西兩配房前。各按翼

排立承祭王在丹陛西旁立。奠獻讀祝行禮恭
送

冠服篚於燎所。祭酒畢。衆各退。○二十三日

諭。本年入春以來。雨暘時若。畿輔地方。麥苗出土。後俱
極暢發。本日時雨霽霈。倍資長養。麥秋可期。豐收實
深欣幸。現值恭詣

裕陵釋服之期。典禮重大。必應親往。非尋常巡幸地方
可比。敬思

皇考御極初年。曾因青苗在地。未詣
泰陵行二周年禮。仰見

皇考軫念穡事艱難至意。但釋服之禮較之二周年祭禮尤重。不敢輒行。而膏雨應時。麥苗芄茂。止須善為保護。以承

天貺。此次除特派管道大臣加意查察外。所有隨從之王公大臣官員等。俱著各將所帶跟役諄切誠諭。嚴加管束。毋許馳驟麥田。並著直隸總督飭令地方官廣為出示。一體禁止。以副朕慎重田禾保護民食至意。○三月二十三日。

仁宗睿皇帝率

孝和睿皇后恭詣

裕陵行釋服禮前一日恭謁

昭西陵

孝陵

孝東陵

景陵

裕陵屆日於

裕陵

寶城前讀文致祭陳設齊集禮儀均與期年同王以下

大小官員咸素服不緹冠纓守護

陵寢之王貝子福晉大臣官員命婦包衣管領下婦女

等。豫於

方城。月臺下西牆角齊集。

仁宗睿皇帝祭畢。派出之釋服大臣。恭請

仁宗睿皇帝釋服。

仁宗睿皇帝跪釋服。戴纓冠。哀止。衆皆跪。綴帽纓。各哀

止。禮部堂官恭導。

仁宗睿皇帝乘輿還行宮。是日。

仁宗睿皇帝未至以前。

孝和睿皇后乘輿先詣。

隆恩門外西旁更衣幄次。俟設饌筵畢。

陵寢內務府命婦恭導

孝和睿皇后詣

寶城前東幄內祇俟。

仁宗睿皇帝奠酒行禮時。

孝和睿皇后隨行禮。衆皆行禮。祭畢。恭請

冠服篚出時。

孝和睿皇后跪候過興。俟

仁宗睿皇帝詣楮堆處奠酒行禮時。

孝和睿皇后於黃幄內隨行禮。衆皆隨行禮。禮畢。派出

釋服命婦恭請

孝和睿皇后釋服。

孝和睿皇后跪釋服。帶金耳環。眾皆隨跪興。

陵寢內務府命婦恭導。

孝和睿皇后乘輿還行宮。○七年正月初三日。

仁宗睿皇帝親詣。

裕陵行三周年禮。御青長袍褂。冠綴纓緯。所有齊集之

王以下大小滿漢文武官員均青長袍褂。帽綴

纓緯。讀文致祭。陳設禮儀與期年同。○初四日。

仁宗睿皇帝恭謁。

昭西陵。

孝陵

孝東陵

景陵次詣

裕陵行禮畢。乘輿還行宮。

欽定大清會典事例卷四百六十四

禮部

喪禮

仁宗睿皇帝大喪儀一

仁宗睿皇帝大喪儀○嘉慶二十五年七月二十五日○
仁宗睿皇帝崩於熱河之

避暑山莊

宣宗成皇帝率

皇子截髮辮成服

孝和睿皇后率

孝慎成皇后

妃

嬪公主翦髮摘耳環成服。親王以下有頂戴官員以上。宗室覺羅等。均摘冠纓齊集在京。王公大臣官員等。均於二十七日成服。○是日小斂。陳法駕鹵簿於

二宮門外。至

麗正門外。設

几筵。建丹旒於

二宮門之左。

宣宗成皇帝率

皇子及王公百官行斂奠禮。○二十六日。

派肅親王永錫。悖親王錦愷。大學士托津。戴均元。尚書英和。盧蔭溥。蘇楞額。侍郎文孚。禧恩。內務府大臣和世泰。恭理喪儀。並

諭。永錫英和蘇楞額著在京辦理一應事宜。俱毋庸前赴行在。○又

諭。

皇考大行皇帝臨御天下二十五年。

深仁厚澤。普洽寰區。今

巡幸灤陽。遽焉

龍馭上賓。朕捨地呼天。攀號莫及。

梓宮為萬世閔藏之器。此間並無合制良材。朕心益覺難安。京城原有豫為儲備者。著留京王大臣內務府大臣。即派委妥員設法運送前來。飭令晝夜行走。能早一刻務趕緊一刻。即將幫蓋底拆開用氈包裹。俟到此間再行合成。均無不可。總以迅速為要。萬勿刻遲。再朕三弟五弟俱應速來。叩謁。

几筵著令其乘車前來。但青車恐不能妥速。著留京王大臣即備妥速車輛豫備乘坐。以便剋期起程。○又

諭。

大皇帝梓宮奉移回京。禮部等衙門各有恭辦事宜。禮部著派那清安湯全釗工部著派穆彰阿陸以莊太常寺著派哈甯阿色克精額明志光祿寺著派齊布森張麟速來熱河。又

諭

皇考大行皇帝龍馭上賓。即日恭奉

梓宮回京。沿途

蘆殿並橋梁道路著方受疇即速豫為善備。該督受

皇考深恩。務盡心妥辦。萬不可草率遲誤。○二十七日。

留京王大臣奏。查得內務府有乾隆年間備用

柶木

梓宮一分。尚係拆散收存。便於包裹行走。並將梓宮外槨包妥。於本日午刻自京起程。奉

批。辦理甚好。○二十八日。奏准。王以下文武各官間散

宗室覺羅等。公主福晉以下。鄉君奉恩將軍妻。恭人以上。民公夫人以下。佐領三等侍衛妻。以上。宗室之女等。俱成服。在京之外。藩公主福晉。格格等。額駙王公台吉等。及外國貢使。均令成服。其二十七日至京者。一體成服。二十七日後。至者。男去冠纓。女去首飾。三日。宗室覺羅緣事。

革職者均准成服。革職滿漢大臣官員均令成服。專司

壇

廟

堂子

奉先殿

壽皇殿

坤寧宮祭

神殿

陵寢一應祭祀事務官員內監及出征官兵軍營辦事

人等。均停止孝服。其有父母新喪子女出痘者。亦暫免成服。仍百日不薙髮。第四日。王貝勒貝子公等。公主王福晉等。在各私第齋室。部院官員在各公署。八旗及閒散官員在各衙門。喪服二十七日。於每日齊集時均齊集。恭理喪儀。王大臣守衛執事各官。喪服百日。近派宗室。二十七月內不嫁娶。遠派宗室。及在京王公大臣文武官員。期年內不嫁娶。二十七月內不作樂。不燕會。在京文武候補候選官員教習進士舉貢肄業監生吏典僧道官。俱冠去纓緯。穿素服。在

順天府齊集三日。早晚舉哀。在京軍民人等。男去冠纓。女去首飾。素服二十七日。百日不嫁娶。不作樂。二十七日不祭祀。自王公以及軍民人等。均百日不薙髮。百日内

上諭批本用藍筆。各部院奏章。俟十五日後具奏。二十七日內奏疏文移俱用藍印。在京寺廟各撞鐘三萬杵。○又奏准每日朝脯日中三奠。法駕鹵簿全設。內外齊集。禮部堂官奏請

宣宗成皇帝出倚廬詣

几筵前東立西嚮哭。衆傳哭。迺啟

宮門恭理喪儀。王大臣及執事官率尚茶尚膳官。由中門中路進。至

几筵前。尚茶跪進茶。齊集者咸跪。

宣宗成皇帝親舉茶奠於茶几。行一拜禮。衆皆隨行禮。尚茶徹茶。次尚膳進膳。

宣宗成皇帝上食畢。執事官進奠几於正中。宣宗成皇帝詣奠几前。跪奉爵。大臣跪進爵。

宣宗成皇帝奠酒三爵。每祭行一拜禮。衆皆隨行禮。興。乃徹饌。哀止。

宣宗成皇帝還倚廬。衆皆退。○又奏准。八月初四日祭。

先師孔子。初五日祭。

社稷壇。十七日祭。

夕月壇。俱在二十七日期內。酌議祭。

社稷壇。承祭執事各官。均照例祭服作樂。至

夕月壇。

先師孔子。均係中祀。照例素服行禮。樂設而不作。此
三祭。百官咸不陪祀。其省牲視牲。先期齋戒。均
用素服。○二十九日奏奉安。

梓宮後。每日三時。

皇帝親詣奠酒。應派進爵大臣奉。

旨遣烏爾恭阿索特那木多布齋。○八月初一日辰刻。
行大斂禮奉安

梓宮於淡泊敬誠殿。○是日

諭嘉慶四年。

皇祖考高宗純皇帝大事。

皇考曾遵雍正十三年成例。停止各省將軍督撫提鎮
藩臬及鹽關織造等來京叩謁

梓宮。今

大行皇帝在山莊升遐

梓宮回京。除熱河都統直隸提督本在熱河。直隸總督

藩司長蘆鹽政密雲副都統馬蘭鎮總兵沿途各有
差使外。其餘直隸各大員俱不必前來。各省將軍督
撫副都統提鎮城守尉並盛京侍郎奉天府尹及西
北兩路將軍大臣並學政鹽政織造關差等。均不必
奏請來京。致曠職守。○初二日

諭。朕受

皇考大行皇帝鞠育顧復深恩。昊天罔極。

聖壽雖年逾六旬。

天體豐腴。精神強固。朕宮庭侍奉。正幸愛日方長。期頤

可卜。本年

巡幸灤陽。朕沿途隨扈。

聖躬行健如常。

蹕途偶感暍暑。仍登陟弗倦。乃遘疾三日。遂至大漸。朕
搶地呼天。追攀莫及。敬惟

皇考臨御二十五年。蕩平寇亂。綏靖兆民。宵旰勤勞。曾
無一日稍紓。

聖慮。薄海臣黎。仰荷

仁恊。共享昇平之福。今

鑿輅巡方。不數日之間。猝遭大故。

龍馭上賓。凡有血氣者。悲哀感戀。罔非出於至誠。况朕

之受

恩深重。萬倍尋常者乎。欽奉

皇考遺詔。喪服仍依舊制。二十七日而除。朕心實所難安。惟有恪遵古制。敬行三年之喪。庶幾稍盡哀慕之忱於萬一。其天下臣民。仍照定例行。著王大臣會議具奏。○又奏。一。凡遇

大祀。

皇帝親詣行禮。或遣官恭代。均祭服作樂。先期齋戒。素服冠纓。視祝版宿

壇。御龍褂挂朝珠。還宮時。導引鼓樂設而不作。

朝日

夕月

前代帝王

先師孔子

先農等祀。二十七日內均遣官。百日內素服行禮。樂
設而不作。百日外常服齋戒。祭日朝服作樂。是
日。

皇帝素服冠纓。

宮內祭

神。俟百日後舉行。

皇帝親詣行禮。御龍袍龍褂。承辦祭祀執事人員。均蟒袍補褂。至

經筵

臨雍

耕藉等禮。均俟二十七月釋服後舉行。一百日後二十

七月內。遇元旦朝賀。

皇帝吉服。御太和殿。不宣表。不作樂。常朝

御殿。亦吉服。不作樂。一凡尋常事務。及引

見官員。均於便殿辦理。百日後

御乾清門聽政。一百日內。

皇帝服縞素。百日外請髮。易素服。詣

几筵前。仍服縞素。及

御門聽政。均素服冠纓。至二十七月。致祭畢。釋服。一。二

十七日後

皇太后

皇后以下。在宮中素服。遇祭祀典禮日期。禮服。詣

几筵前。仍服縞素。

皇子等與王公百官同。一。在京王公百官。二十七

日。釋服後。皆百日不薙髮。遇應行典禮及朝會

坐班。各具禮服吉服。從事外。凡入

朝奏事。及公所辦事。均素服冠纓。詣

几筵前。仍摘冠纓。俟二十七月後。並遵吉禮行。二十七

月內。門神對聯。除

太和殿

中和殿

保和殿

坤寧宮照常張挂外。餘俟釋服後張挂。王公百官

官銜封條。百日後黏貼。門神對聯。二十七月後

張挂軍民人等。二十七日後照常例行。○又奏。

釋宮回京。祇告

几筵前行禮畢。

冠服篚送燎時。燎所奠酒奉

旨。著派悖親王瑞親王翰流奠酒。○初四日。

命大學士九卿等會同敬擬

大行皇帝尊諡

廟號。○初五日。恭頌

遺詔。大學士奉

詔。自中門入。至

几筵殿檐下。

宣宗成皇帝立殿檐東跪受。自中門入。跪安於黃案上。

行一跪三拜禮興。由左門出。西嚮立。大學士入右門。至黃案前行三叩禮。跪奉

遺詔興。出中門。

宣宗成皇帝跪俟

遺詔過興。還倚廡。大學士奉至

二宮門外。授禮部堂官。禮部堂官行三叩禮。跪接。安置雲盤內奉出。禮部官前引。由中路出

麗正門外。安設於

詔臺上。張黃蓋。王公百官喪服。率耆老軍民三跪九叩興。復跪。恭聽宣讀畢。立舉哀。復行三跪九叩禮。

禮部官奉

遺詔於龍亭內出。由驛送至禮部。○是日奉

孝和睿皇后懿旨。敬事房呈進行在禮部奏准喪儀條
款。內載二十七日後。皇太后皇后以下在宮中素服。
遇祭祀典禮日期。禮服詣

几筵前。仍喪服等語。沒思

大行皇帝大事。予二十七日而除編素。於心未安。予應
率誠貴妃等在宮中服編素百日。過百日在宮中素
服。皇后贊襄內治。諸取吉祥。應在宮中編素二十七
日。過二十七日。詣

几筵前仍用喪服。將此傳諭留京恭理喪儀王大臣知之。○初六日

諭。據永錫等奏。

皇太后發下

懿旨一道。並恭查禮部則例。嘉慶四年正月奏准條款。照錄奏聞等語。當令軍機大臣詢問禮部。據覆奏。大喪典禮。縞素二十七日而除。本係我朝舊制。禮部前奏係照錄則例原文。至嘉慶四年議奏條款。其時並無議及。

皇太后服制明文。所有二十七日舊制。亦未更改。現奉

皇太后懿旨。縞素百日。仰見

聖母聖德有加。甚為允當。著英和等即將此事原委告

知。常永貴奏明。

皇太后。至皇后自應服縞素百日。著奏明。

皇太后。並啟知皇后。將此諭令知之。旋奉

皇太后懿旨。現經欽定。皇后亦服縞素百日。實與禮協。

○又

諭。據王大臣奏稱。三年之喪。難以舉行。請仍依舊制。以

日易月一摺。覽奏。彌增哀痛。朕受

皇考大行皇帝深恩。昊天罔極。雖孺慕終身。亦不能仰

報萬一。持服三年。豈足言孝。惟是三年之喪。違乎天子。禮經所載。亦王大臣等所共喻。除臣民服制。應各欽遵舊制。若朕亦以日易月。於心實所難安。至

郊

社

宗廟祀典朝儀。仍可於持服中舉行。不致偏廢。朕志已定。諸王大臣等毋得再請。其如何舉行三年之喪。仍著詳稽典禮。確擬具奏。○初七日。恭齋

道詔到京。所有宣讀行禮儀節。於初八日敬謹舉行。禮

部恭鑄謄黃

頒發天下。直省文武各官於

詔書到日。率紳士耆老。攜纓素服。出郊跪迎。至公署安設。行三跪九叩禮。跪聽宣讀畢。立舉哀。復行三跪九叩禮。文武官均成服。朝夕舉哀。凡三日。至二十七日除服。命婦等亦穿素服。二十七日。直省官百日內不嫁娶。期年內不作樂。軍民人等均素服。二十七日。一月內不嫁娶。百日內不作樂。官員軍民人等。以宮中大事之日為始。均百日內不薙髮。督撫提鎮等官進香。俱停免。遣使頒發。

遺詔於朝鮮國。國王率羣臣素服恭迎。止鼓樂。使臣就館。不受燕饗。頒發外藩蒙古諸部。遣理藩院官齎往。儀與朝鮮同。其琉球越南緬甸暹羅各國。交與該督撫轉發。○初八日奉

旨。

皇考大行皇帝靈駕至京。朕先祇俟於安定門外。跪迎候過。再由間道豫往東華門外。祇俟。

靈駕至跪迎。步送入宮。辨位時。皇長子著在惇親王瑞親王惠郡王之次。

梓宮至乾清宮時。乾清宮內之左右。俱豫設帷幕。○又

奉

旨恭理喪儀著恭派定親王綿恩○初九日

諭恭擇本月十二日卯時奉移

大行皇帝梓宮回京於十一日卯時行啟奠禮各該衙門敬謹豫備○初十日

宣宗成皇帝萬壽聖節在二十七日以內禮部奏擬是日照常三次供獻

皇帝詣

几筵殿行禮仍服縞素王公百官停止舉哀隨同行禮

奉

旨。照舊舉哀。○又

諭。今王大臣等。復以本朝服制定儀合詞奏請。覽奏愈增哀痛。敬思雍正十三年。

世宗憲皇帝大喪。

皇祖高宗純皇帝係持服百日。嘉慶四年。

皇祖大喪。

皇考大行皇帝亦持服百日。俱因臣工等籲請再三。未遂。

聖志。朕孺慕私忱。雖切。亦何敢有踰舊章。不得已勉從所請。編素百日。仍素服二十七月。至三年內恭遇

郊

社

宗廟祀典朝儀一切服色著王大臣等均查照成例敬
謹辦理不得再行瀆請。○十一日行啟奠禮工部設
幕於

二宮門外之西置奠几陳燎牀於燎所具楮幣設
祭文案於

几筵殿內稍西鑿儀衛官陳

法駕鹵簿內監設

冠服篚於供牀悖親王瑞親王惠郡王

皇長子率王公百官等各辨位集侯。屆時。

宣宗成皇帝詣

几筵前行禮。陳設饌筵各祭物奠獻送燎。儀與嘉慶四

年同。又

諭。朕勉從王大臣所請。縞素百日。所有恭理喪儀。王大
臣照例服縞素百日外。其慶郡王綿懋。貝勒綿志。奕
紹。貝子載錫。御前大臣賽沖阿。索特納木多布齊。御
前行走之額駙瑪呢巴達拉。御前侍衛百順。大學士
明亮。曹振鏞。禮部尚書黃鉞。內大臣阿那保。孟佳等。
亦著服縞素百日。其餘王大臣官員等。於大祭禮成

後俱著釋服將孝衣焚化。○十二日奉移

梓宮回京五鼓鑾儀衛陳

法駕鹵簿工部陳大昇鑾於

震正門外執事官各供乃事。悼親王瑞親王惠郡

王

皇長子率王公大臣官員辨位祇俟恭理喪儀王

大臣率官校入

几筵殿徹黃幔素帷屆時禮部堂官奏請

宣宗成皇帝詣

梓宮前哭祭酒三爵每祭行一拜禮衆傳哭隨叩畢恭

理喪儀王大臣工部鑾儀衛奉執事官進小舉。

恭移

梓宮由中門出。齊集者皆跪哭。候過。

宣宗成皇帝由殿左門出。詣大昇舉之左。跪候。

梓宮登舉。禮部堂官祭酒三爵。行三叩禮。焚楮錢五千。

張。

宣宗成皇帝輿。步行恭送。

靈駕。

騎駕由簿前導。恭理喪儀王大臣禮部工部內務府鑾儀衛官屬。夾道巡行。豹尾班侍衛佩儀刀。

弓矢侍衛扈從各官。按品隨行。校尉按班昇。及更班。

宣宗成皇帝跪。眾皆跪。候行。

宣宗成皇帝乘輿。由間道豫往。宿次備用。城祇候。沿途包衣官員。揚撒楮錢。凡過門橋。內大臣輪班祭酒。

皇子王公百官乘馬。分班以從。若漢官及年老不能騎馬者。每日早。俟

梓宮過時。即於

聖駕後隨行。先往

蘆殿恭候。

靈駕至宿次。

宣宗成皇帝恭迎於幔城北門外。跪哭。

皇子王公百官均隨跪哭。候過輿。

梓宮奉安於

蘆殿正中。鋪墊氈毯。前設供牀案几。設

騎駕由簿於門外。王公百官按翼按品序立。所司

進果筵。

宣宗成皇帝行脯奠禮。祭酒三爵。每祭行一拜禮。衆隨

哭叩。奠畢。

宣宗成皇帝居倚廡。衆皆退。恭理喪儀。王大臣戒所在
官軍。祇嚴宿衛。翼日昧爽。

宣宗成皇帝詣

廡殿行朝奠禮。儀與脯奠同。恭理喪儀。王大臣率昇校
進。

靈駕導引翼尉如前儀。

宣宗成皇帝跪。

皇子王公百官皆跪候過。

宣宗成皇帝步行從。仍乘輿由間道詣宿次。豫候羣臣
扈從。至昇校更班之所。乃乘馬。

御道所經百里內。守土官跪迎於道右。舉哀候過。赴宿次。於細城門外行三跪九叩禮。屆奠時。分文武於左右翼末班行禮。凡在途之日並同。在京之王公大臣。除有緊要差使者。酌量遠近分班迎接外。其餘王公以下一品大臣及鎮國將軍等。恭迎於蘭溝。二品大臣輔國將軍等。至四品官員奉恩將軍等以上。恭迎於清河北。閒散宗室及五品以下官員。恭迎於安定門外。均俟靈駕至。跪道旁舉哀。候過隨行。至換班處跪。候換班畢。退。王公以下四品以上官。仍於

靈駕進城時。在城外迎接。是日。

宣宗成皇帝由間道豫往。

東華門內幄次祇俟。

靈駕至。出幄次跪迎於左。舉哀興。隨行。王公百官隨駕先至者。均隨哭迎。從。

梓宮後行者。於。

東安門外下馬步從。

梓宮至。

景運門外。降大昇輦。登小輦。

宣宗成皇帝於左旁跪哭。衆皆跪哭。校尉恭昇。

梓宮入中門由

乾清門中門至

乾清宮

宣宗成皇帝立於

乾清宮檐下東旁

孝和睿皇后

孝慎成皇后以下宮眷跪迎於

乾清宮設帷幕於右奉安

梓宮於

乾清宮正中

宣宗成皇帝行脯奠禮。祭酒三爵。每祭行一拜禮。焚楮錢五千張。

皇子王公百官各按齊集位次舉哀。隨叩畢。

宣宗成皇帝居倚廡。眾皆退。○又會奏祭祀朝會禮儀服色。一百日外恭遇。

大祀齋戒日期。

皇帝用常服。

閱視祝版。御龍褂至。

駕詣。

天壇齋宮。是日早。

閱視祝版及省牲視牲均御龍袍龍褂冬御貂褂乘禮
輅不御輦祭日御禮服作樂還宮時導引鼓樂
設而不作一百日後宮內祀

神嘉慶四年正月奏准御龍褂藍袍挂朝珠此次百日
後祭

神仍照原議御龍褂藍袍挂朝珠承辦祭祀執事人員
均穿補褂一乾隆元年

高宗純皇帝因係

御極之始是年元旦

御太和殿二年元旦以尚在二十七月之內仍未

御殿嘉慶四年。

高宗純皇帝大事。

大行皇帝因元年業經舉行朝正大禮。是以二十七月
內元旦均不

御殿受賀。今元年元旦請照乾隆元年之例。

皇帝禮服御太和殿。不宣表不作樂。二年照嘉慶四年
奏准之條不

御殿受賀。是日御貂褂挂朝珠。前後三日御貂褂不挂
朝珠。忌辰日仍素服。乾隆元年十一月。

高宗純皇帝御門聽政。嘉慶五年開印後。

大行皇帝御門聽政均在期年之後此次擬期年後請
皇帝御門聽政至

經筵

臨雍

耕藉典禮請照嘉慶四年例於二十七月後舉行。王

公文武大臣官員釋服後百日内穿青長袍褂
帽綴纓至

几筵前仍摘纓其

御前大臣侍衛

乾清門侍衛隨

駕詣

几筵前時仍服縞素。百日外二十七月內王公文武大

臣官員均服青褂藍袍。夏季戴緯帽。遇朔望穿常服。不挂朝珠。一百日外二十七月內遇

常朝坐班開封印信俱穿補褂挂朝珠。一百日內恭遇祭祀

天

地

太廟

社稷俱遣官恭代。百日外

親詣行禮。本年孟冬時饗。

太廟。在百日內。應遣官行禮。

南郊大祀。歲暮禘祭。

太廟請。

皇帝親詣行禮。明歲各。

大祀。均由太常寺照例題請。元旦。

堂子行禮。御禮服。百日外遇。

列聖聖誕。

皇帝親詣。

奉先殿行禮。穿龍褂藍袍。挂朝珠。二十七月內。遇祭。

朝日

夕月

歷代帝王

先師孔子

先農各中祀均遣官行禮。

皇后親蠶。請照嘉慶四年例。於二十七月後舉行。二十
七月內。遣妃恭代。一百日內。

召見引

見俱御便殿。

皇帝仍服縞素。二十七月內。俱素服。二十七月內百

日外封

寶閣

寶穿龍褂蓋袍挂朝珠每月朔望常服不挂朝珠。傳
臚不

升殿一百日內恭遇祭祀

天壇

地壇

太廟

社稷壇遣官恭代承祭執事各官均朝服祭時作樂行
禮百日外二十七月內若恭遇

親詣行禮齋戒日期各官俱常服挂朝珠

閱視祝版各官穿補褂至

駕詣

天壇齋宮是日早

閱視祝版及省牲視牲各官俱穿蟒袍補褂祭日俱穿朝服一二十七月內元旦隨

駕詣

堂子王公大臣官員俱穿朝服禮成後俱穿蟒袍補褂挂朝珠前後各三日俱常服挂朝珠忌辰仍素服於次日補穿常服挂朝珠一百日內遇中祀

奉祀遣官致祭。承祭執事各官俱素服行禮。樂設而不作。一百日外二十七月內齋戒日常服。祭日朝服作樂。一百日內引。

見官員俱穿青長袍褂。百日外穿青褂藍袍。遇朔望穿常服。不挂朝珠。一百日內雨衣雨帽。靴不論品級均用青色。百日外帽套各按品級。雨衣靴褂仍用青色。外省在京各員赴

天安門外謝

恩俱穿常服。如遇科場年分停止筵燕。內外簾各員謝恩穿常服。挂朝珠。二十七月內各衙門開封印信告。

條仍舊黏貼其王公大臣官員官銜封條百日
後黏貼對聯門神至二十七月後張挂奉

旨御前大臣侍衛乾清門侍衛已於大祭後除編素其
百日內隨詣

几筵前著穿青長袍褂摘冠纓餘依議○又會奏
梓宮於十二日由

避暑山莊啟行二十二日至京距初喪已屆二十
七日若遽行除服凡屬大小臣工於心實有不
安且

几筵前一應致祭典禮節次舉行均應喪服齊集謹擬

恭理喪儀及

殯宮守衛執事人員仍於百日除服外其向例應於二十七日除服者改於大祭禮後除服又向例

八筵前每日三次奠獻王公百官齊集於二十七日停止各衙門奏疏文移用藍印亦以二十七日為限其每日應行陳設

法駕鹵簿於滿月禮後停止此次亦均改至大祭禮後○十六日奏

梓宮回京奉安於

乾清宮內正中設黃幔素帷供牀香几香案把蓮

銀五供設丹旒於

乾清門外之左。

法駕鹵簿陳於

乾清門外至

太和門外。每日朝晡日中三奠如前儀。內外齊集。

皇長子近支王等立丹陛東西面。

皇長子在悫親王瑞親王惠郡王之次。近

御王大臣

乾清門侍衛在

乾清門內。五旗王以下八分公以上。內大臣內閣

大學士前鋒統領護軍統領上三旗都統副都
統內閣學士上三旗侍衛間散宗室覺羅包衣
官員在

乾清門外五旗都統副都統八旗官員各部院滿
漢大臣官員在京之外任大臣官員凡應齊集
人員在

景運門外排立舉哀

皇太后

皇后

內庭宮眷及在內公主福晉等在

几筵殿內五旗王等福晉郡主等在
几筵殿下丹墀右大臣命婦等在

隆宗門外齊集排立舉哀凡應齊集人員王公百
官由

東華門

西華門行走。在內公主福晉等。於

景山柵欄外乘馬進

神武門至

蒼震門下馬進內。五旗王福晉郡主等在

景山柵欄外乘馬進

神武門至

隆宗門下馬進內。大臣等命婦在

景山柵欄外乘馬至

神武門下馬步行至

隆宗門外齊集。每日

几筵前點香。銜看守之處。交總管太監管理。奉

旨。福晉郡主及命婦等。俱免其齊集。○二十三日。行殷

奠禮。五鼓。工部設幕於

乾清門外之西。置奠几。陳燎牀於燎所。具楮幣。設

祭文案於

几筵殿內稍西。鑿儀衛官校陳。

法駕鹵簿內監設。

冠服篚於供牀。恭理喪儀王大臣內務府大臣率執事官設果筵於

几筵前列饌筵於丹陛兩旁。陳羊酒於幕內。讀祝官奉祭文。禮部堂官二員前引。由

乾清門中門入。設於案。出悖親王瑞親王惠郡王皇長子及王公百官等。各緝位集俟。屆時禮部堂官奏請

宣宗成皇帝詣

几筵前東立西嚮舉哀。衆咸舉哀。尚茶跪進茶。衆皆跪。
宣宗成皇帝舉茶奠於案。行一拜禮。衆隨行禮。尚茶徹
茶。次尚膳進膳。揭巾罽。

宣宗成皇帝親上食畢。讀祝官奉祭文於案左。跪禮部
堂官二員左右跪。展祭文。執事官進奠几。

宣宗成皇帝於几前跪。衆皆跪。哀暫止。讀文畢。復於案
退。舉哀。傳哭如初。奉爵大臣跪進爵。

宣宗成皇帝祭酒三爵。每祭一拜。興。衆隨叩興。

宣宗成皇帝復位。乃徹饌。讀祝官奉祭文。禮部堂官前
引。由中門出。至燎所東旁避立。內監恭請。

冠服篚宮殿監侍二人前引由中門出。

宣宗成皇帝豫出。

乾清宮左門。

冠服至跪候過興還倚廡。

冠服至月臺內大臣十員前引由中門出齊集之王公

大臣官員等按翼排立俱跪候過隨行至燎所

俟。

冠服恭安於燎牀畢讀祝官將祭文安於

冠服前奠酒王祭酒三爵禮部堂官遞酒盃每祭行一

叩禮衆皆隨行禮舉哀畢各退。○是日奉

旨。瑞親王惠郡王著於百日後釋服。大阿哥著於大祭後釋服。○二十四日奏准。援照康熙六十一年雍正十三年之例。請

登極前仍親詣

几筵前行朝奠禮畢。行祇告禮。除執事人等素服冠緌纓。其齊集之王公百官一體素服冠緌纓。朝奠畢。更朝服。詣

太和殿祇俟。午奠脯奠仍編素。是日停止舉哀。奉旨。仍著照定例停止舉哀一日。○二十五日。大學士九卿等恭擬敬上

尊諡徽稱曰

受天興運敷化綏猷崇文經武孝恭勤儉端敏英哲睿
皇帝。

廟號曰

仁宗。天下萬世稱為

仁宗睿皇帝。奏入。奉

諭。廷臣所擬詳慎公允。謹據所奏恭上

尊諡

廟號。所有應行典禮。該部敬稽成例以聞。○是日行初

滿月禮。用楮錠五萬。楮錢五萬。饌筵二十一席。

九尊羊九讀文齊集陳設禮儀與殷奠同。二
十八日奏准恭上

尊誼

廟號應用玉

冊玉

寶香

冊香

寶絹

冊絹

寶及盂箱袂架等項交與工部敬謹成造

冊文

寶文祝文。交翰林院撰擬。所有書寫刊刻填青各吉期。
由欽天監選擇。俟香絹。

冊

寶告成之日。由部以恭上。

尊謚典禮具奏。○二十九日奉

旨。奕纘及悖親王之長女。俱著於大祭日釋服。○三十

日

諭。據恭理喪儀王大臣等奏。九月初十日辰時。

大行皇帝梓宮奉移

殯宮暫安儀注內。請朕步行恭送至東華門外候過。即乘輿入東華門出神武門豫往。

殯宮祇俟等語。朕敬稽我朝。

列聖大喪。

聖祖仁皇帝梓宮奉移之日。

世宗憲皇帝步送至

壽皇殿。

皇祖高宗純皇帝梓宮奉移之日。

皇考大行皇帝步送至觀德殿。朕仰受

皇考顧復深恩。昊天罔極。由宮內至觀德殿。道路並不

甚遠。朕年未四旬。自揣精力尚能步行恭送。稍申哀戀之忱。若豫往。

寢宮祇俟。此心實有難安。王大臣不必再行瀆請。○又諭。初十日奉移。

大行皇帝梓宮。

皇太后先至觀德殿祇候。奉安後。即居觀德殿。朕步行恭送至觀德殿後。即居永思殿。十六日大祭禮成後。恭奉。

皇太后還宮。